

آبونه شرالتي : هر یر ایچون
سنه لکی (۴۰۰) التي ایلتي
(۲۲۵) ، ممالک اجنیه ایچون
سنه لکی (۴۵۰) ، آلتی آیلتي
(۲۵۰) غروشدرد.

نسخه سی ۷،۵ غروشدرد .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله ن
یازیر اعاده اولتماز .

والله یهدی من یشاءالی صراط مستقیم

باش محرر
محمد عاكف

صاحب و مدیر
اشرف ادیب

اتبعون اهدكم سبیل الرشاد

الشیخ الاسلام

آدرس : پتلینده آیریجه
• غروش کوندردملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لری نك
فرانسجه یازلسی رجا اولنور .

یاره کوندردلدیکی زمان نه یه
دائر اولدینی بیلدیرلسی
رجا اولنور

بلغارستانہ دینہ رجوع حرکتی

فلہ دن صوگ تلغراف غزنہ سنہ چکیان بر تلغرافہ کورہ، استانبولیسکی
قاینہ سی زمانندہ تقویملردن خذف ایدیلان دینی بایراملر حکومت حاضرہ
طرفدن احیا ایدلدکن ماعداک کوچوک بر وسیلہ ایله پاییلان ملی
بایراملرہ کلیساک دہ اشتراکی تأمین اولونمقدہ در . حکومت آلتون قبلی
(آلکساندر نوسکی) کلیساک مراسم تہ یسہ وکشادیہ سی شرفہ
بک مظنن شملکتر ترتیب ایتمکدہ در . اوچ کون اوچ کیجہ دن بری
صوفیہ ، طشرہ دن گلش بر چوق دیندارلر، پاپاسلر و جنرلارک
اشتراکیلہ پاییلان احتفاللرہ چالفاقمقدہ در .

مقدما دینہ قارشى وقوع بولان مفرط حرکتلر یوزندن بلغارستاندہ
دین ضغفہ اوغرادى؛ اونک آرقہ سندن قومونیزم فکرلری، بولشہ ویک
حرکتلری میدان آلدی . بو، هر یردہ بویلدہ و بویله اولہ جقدر .
قومونیزم قارشى آنجق دین بر سد مقاومت تشکیل ایدہ بیلر . دین
حسلری زوالہ یوز طوطقدن صوکرہ قومونیزم ہیچ برشیلر توقیف
ایدہ من . بلغارستان بوتجربہ یی یاپدی . قومونیزمک مملکتی آلتاوست
ایتمک ایچون طرف طرف تشکیلاتلر، قتالار ترتیب ایتدیکنی و بلغارسانک
بو بدتون یاغما و آنارشى یہ معروض قالہ جغفی کورن حکومت شیمدی
خلقک دینی حسلرینی تقویہ ایدہ جک اسبابہ توسل ایدیور . فقط عجا
کچ قالمادیلر می ؟

بونلر عقلی باشندہ ملتلر ایچون نہ عبرتلی لوحہ لردر !

* *

هر فکر مقننہ عصمت یاشانک بیانیی طرغرومیدر ؟

ایز میتدہ چیقان (حرفکر) غزنہ سنک دین مین اسلامہ ، بالذات
فرآنہ ویغمبرہ قارشى تحقیر و تزییفلرینی کچن نسخہ مزده درج ایتشدک .
اوندن صوکرہ چیقان نسخہ سنده او حقارت و تزییفلردہ بولونان
متجاوز ، آنقرہ دہ کی ملاقاتلرینی نشر ایدیور ؟ « مقامات عالیہ یی احراز
ایتمش اسکی دوستلرینی زیارت و کندیلرینہ عرض حرمت ایتمکله برابر
الهام آلق » متصدیلہ آنقرہ یہ کیتدیکنی سویلدکن صوکرہ باش
وکیل عصمت پاشا حضرتلریلہ ملاقاتنی یازیور . عصمت پاشا ایله
« صمیمی قوجا قلاشمش و او پوشمش » . حضورندن آریلیرکن دہ عصمت
پاشاک کندیسنه سویلدیکی سوزلر شونلرمنش :

« حرفکرک مجاہدہ سنی تقدیر ایدیورم . طوطدیفکز یولده غزم ایله
بورویکز . »

عصمت پاشا اگر بویله سویلدیسہ ، دیمک حرفکرک طوطدیفی بول
کندیسنه یا کلش آکلاتیلمشدر . یوقسہ دولتک رسمی دینی اولان دین مین
اسلامہ ، بالذات قرآن ویغمبرہ تحقیر و تزییفلردہ بولونان برمتجاوزک
برجمرک طوطدیفی ضلالت و اضلال یولنی عصمت پاشا البته تصویب ایتز .

مقدسات دشمنی بومتجاوزہ ، محامیلرک بویندہ کی یولار ، دن بحث
ایتدیکنی عدلیہ وکیلہ اسناد ایلدی دہ عدلیہ وکیل شذتله بونی تکذیب
ایتدی . امید ایدرز کہ عصمت پاشا حضرتلری دہ کندیسنه اسناد اولونان
« تقدیر و تصویب » ی تکذیب ایدرلر .

§ خبر آلدیفمزہ کورہ ایزمیت مدعی عمومیلکی ، دین مین اسلامہ ،
بالذات قرآن ویغمبرہ قارشى تحقیر و تزییفدہ بولونان حرفکر غزنہ سی صاحب
ومؤسس قلیچ زاده حق بک حقندہ اقامہ دعوادہ بولونمشدر .

* *

درلنمز (لایسہ — لادینی) میدر ؟

دیاربکر مبعوثی ضیا کوک آلپ بک جمهوریت غزنہ سنده یازدینی
بر مقاله دہ « آلدانملر کیجہ سی » ندن بحث ایدیور . بر قاج مثال ایراد
ایتدکن صوکرہ بزه نقل کلام ایله دییورکہ :

« عینی تجربہ یی توزکرده یایدیلر . بیک عسکری و سیاسی ظفرلری متعاقب
طویلان بر پارلامنتو ، غلیانی بر اجتماعندہ ، بوندن صوکرہ دولتک جمهوریت
ولایق دولت اولدیفنی اعلان ایتدی . بوقراره علما و مشایخدن اولان مبعوثلردہ
اشترک ایتدیلر . »

تاریخ تدقیق اولونجه ، کورولیورکہ بویوک مجددر، خلقه قبول ایتدیردکری
بویوک انقلابلری وجودہ کتیرمک ایچون اک بحرانی دقیقه لری انتخاب ایدرلر .
بونلر سکون زمانندہ ، اصلا قبول ایتدیرمہ یه جکاری تجدلری بو بویوک
بحران هنکامہ لرنده قولایجه قبول ایتدیرمہ بیلرلر . »

دیگر خصوصلرہ دییه جک یوق . فقط دولتک (لایق) اولدینی
حقندہ کی اعلاندن بزخبردار دکلز . تشکیلات اساسیہ نک ایلک ماده سنده
« دولتک رسمی دینی دین اسلام اولدینی » و دیگر بر ماده سنده دہ « بویوک
ملت مجلسنک احکام شرعیہ نک تنقیدنی درعهده ایتدیکی » مصرح
اولدینی حالده لایقلاغک اعلانی نہ دیمک اولیور ؟ واقعا امور شرعیہ
واوقاف و کالتی مدیریت عمومیه حالہ قلب ایدیلدی ، فقط شرعیہ و
اوقاف وکیلنک صلاحیت و مسئولیتی باش وکیلہ انتقال ایتدی ، قوه
اجرائیہ امور شرعیہ و اوقافدن طولای مجلسه قارشى ینه مسئولدر .

دیانت رئیس جماعت اسلامیه طرفندن انتخاب اولونسییدی و مسلمانلرک
امور دینیہ لری حقندہ حکومتک هیچ بر علاقہ سی اولماسه ییدی اووقت
(لایق) لق اولدی دینہ بیلیردی . بو کون امور و مصالح دینیہ نک
یولندہ جریان ایدوب ایتدیکنندن طولای مجلسه و ملت قارشى مسئول
اولان حکومت در . اوت ، دیانت رئیسنک دہ مسئولیتی وار . فقط
اویالکیز مغوی بر مسئولیتدر . اصل مسئولیت سیاسیہ و مادیہ حکومتہ
تأنددر . او حالده لایقلاق حکومتک زمره سنده در ؟

بعض رجال حکومتک دہ آرہ صیرہ لایققلقدن بحث ایتدکری
کورولیور . کیم بحث ایدرسہ ایتسون ، تشکیلات اساسیہ قانونہ کورہ
بویله شی یوقدر . بویله سویلینلر « بن دیمک دولت دیمکدر . » دیمک
ایسته یورلر ایسه اوکا دییه جک یوق ! مبعوثلرک تشکیلات اساسیہ
قانونتی چوجق اویونجاغی عد ایتلری نہ غریبدر !